

眞寶李氏上溪派世譜序

昔萬曆庚子始譜我眞寶之李明年辛丑退陶先祖年譜成而以先祖世系圖著于卷端此當日及門諸賢之所共撰次者也其後百年二百年而續有譜世系之圖亦從而四五刊焉歲壬子印大譜於鵲山社一年始克斷手忠鎬謹按其全譜而諗于衆曰吾李之譜凡五印氏族之蕃遍國中而收之於此一牒之中者欲其務孝悌敦睦之實也夫人親至百代之遠則疎矣遂慢然而稱之曰一族焉已矣噫一族而求一派之親一派而求一家之親則父兄而在也可不爲孝悌乎一家而推一派之遠一派而推一族之遠則同氣而分也可不爲敦睦乎肆余爲之當一族而譜一派而譜一家而譜譜可人人得而修之然則一人之譜乃所以及千萬人之譜也千萬人之譜亦所以自一人之譜也今續大譜而譜一派之親其亦由親及疎溯源達流之義而當日世系之圖恐亦非爲是者歟雖然屬茲寢遠之日義例欲其明分註欲

其詳而顧譜與圖詳略有不同者乃卽其圖而倣乎譜爲上溪派世譜若干
卷嗚乎祖先肇基六百餘年其積累發於是譜之中日星全牒淵源承學而
盟手展案肅然若夫子在座下而蒙齋將仕東巖諸先生後先以侍又下而
鴻儒宿德秩次趨進於階庭之內而以至十千梟仍授受勸戒期有以勿替
家猷則尊祖敬宗之意其亦在是矣昔我曾王考古溪公序大譜曰譜旣成
相與讀夫子之書講夫子之訓推性理之原而務孝悌之本則當日陶山譜
之必與文集並出者其義可知也得其義則斯知所以勉矣忠鎬於此尤所
惕然自省而顧荒墜緒業愧無以誦家言則竊爲同譜者望焉又以俟後來
於無窮云 癸丑六月上澣 後孫從仕郎前 章陵參奉忠鎬謹序

眞城李氏上溪派宜仁世譜

一世

始祖諱碩

起眞寶縣吏中
生員試以子子
脩貴贈奉翊
大夫密直吏忌
三月三日墓縣
南岐谷癸坐有
碣
配贈貞夫人
松生金氏父戶
長玄忌二月九
日
繼失姓氏墓並
同原有子子脩
子芳生員

二世

子子脩

高麗忠穆朝至
順元年庚午明
書業及第恭愍
王朝至正二十
四年甲辰見任
奉常大夫知春
州事追論至正
二十二年平定
紅賊功賜安社
功臣號封松安
君洪武十五年
壬戌爲通憲大
夫判典儀寺事
載家藏紅牌政
案始移居安東
豐山縣磨羅村
忌三月三日墓

三世

子云侯

中訓大夫軍器
寺副正以曾孫
堦貴贈司僕
寺正移居府北
周村墓府東佳
邱加幕山子坐
有碣
配淑人安東權
氏父贈左議
政希正墓府北
刀沓村修理洞
子坐有碣有子
禎女孫義

四世

子禎

蔭仕歷宰寧邊
韓山善山並有
遺愛祥載地覽
名宦錄及崔致
雲籌邊樓記
世宗朝征北狄
有功錄原從勲
以曾孫滉貴
贈嘉善大夫戶
曹參判忌八月
十五日本墓府
水多村可倉山
壬坐有碣
配贈貞夫人
安東金氏父知
甫州事挺忌五
月二日墓祔前

五世

子繼陽